

Skupština „Udruženja - Nacionalni Biro osiguravača Crne Gore“ DOO sa sjedištem u Podgorici, je na sjednici održanoj 16.10.2018. godine, na osnovu članova 21, 25, 26 i 27 Statuta Biroa, konzusno usvojila tekst:

PROCEDURA RJEŠAVANJA ZAHTJEVA ZA KOREKCIJU PREMIJSKOG RAZREDA U INFORMACIONOM SISTEMU NBOCG

Član 1.

Ovom procedurom se reguliše postupak ulaganja i rješavanja zahtjeva za korekciju premijskog razreda u informacionom sistemu, po osnovu pravosnažne presude/rješenja Suda.

Član 2.

Zahtjev za korekciju premijskog razreda se podnosi osiguravajućem društvu koje je izdalo polisu osiguranja koja je važila u trenutku saobraćajne nezgode, u pisanoj formi.

Uz zahtjev se obavezno prilaže i pravosnažna presuda/rješenje Suda.

Osiguravajuće društvo neće razmatrati zahtjeve podnesene uz dokaz o pokretanju krivičnog/prekršajnog postupaka.

Član 3

Osiguravajuće društvo će razmotriti zahtjev za korekciju premijskog razreda i donijeti obrazloženu odluku.

Ukoliko je zahtjev za korekciju premijskog razreda neosnovan, osiguravajuće društvo će donijeti odluku o odbijanju zahtjeva.

Ukoliko je zahtjev, na osnovu validacije prikupljenih informacija osnovan, osiguravajuće društvo će donijeti odluku o usvajanju zahtjeva i sprovesti potrebne radnje u cilju otklanjanja razloga za prigovor, odnosno svrstavanje osiguranika u odgovarajući premijski razred.

Član 4

U slučaju kada je uz zahtjev dostavljena presuda Suda iz krivičnog postupka, kojom je isključivo drugi učesnik saobraćajne nezgode oglašen krivim za izazivanje saobraćajne nezgode, osiguravajuće društvo će obavezno donijeti odluku o korekciji premijskog razreda.

U slučaju kada je uz zahtjev dostavljena oslobođajuća presuda/rješenje u odnosu prema vozaču vozila za koje se podnosi zahtjev za korekciju premijskog razreda, osiguravajuće društvo je dužno da razmotri kompletну dokumentaciju i doneše konačnu odluku, koja može biti odbijanje ili usvajanje zahtjeva za korekciju premijskog razreda.

Član 5

Osiguravajuće društvo će odbiti kao neosnovan zahtjev za korekciju premijskog razreda ukoliko je krivični ili prekršajni postupak obustavljen uslijed nedostatka dokaza, zastare i sl.

Član 6

Odluku o usvajanju zahtjeva za korekciju premijskog razreda, uz prateću dokumentaciju, je potrebno sačuvati u bazi informacionog sistema, prilikom unosa korekcije premijskog razreda.

Član 7

Procedure stupaju na snagu osmog dana računajući od dana objavljivanja na internet stranici Biroa i oglasnoj tabli u sjedištu Biroa.

